

عالم کیمی اولان جاهل !

اسلام دینی انسانلاری یئر به یئر علم اؤرگشماغا و دوشونماغا چاغیریر. دینی متنلر مختلف یئرلرده علمین ...

اسلام دینی انسانلاری یئر به یئر علم اؤرگشماغا و دوشونماغا چاغیریر. دینی متنلر مختلف یئرلرده علمین اهمیتی و عالمین منزلتینه تأکید ائله ییبلر و علمین یوخاری رتبه په صاحب اولدوغونا تأکید ائدیبلر.
حضرت علی (ع) علمین درجه سی و رتبه سی باره ده بویوروب: «علم فضیلتلرین لاپ یوخاریسنادیر».[1]
بیر گون بیر نفر او حضرتدن دولاما سؤل سوروشور. (یعنی قصدی اؤرگشماق یوخ بلکه امتحان ائله ماغیدی.) حضرت جوابدا بویوروب: «ادبیت ائله ماق اوچون یوخ بلکه اؤرگشماق اوچون سوروش؛ چونکی اؤرگشماق قصدی اینن سوروشان جاهل، عالم کیمیدیر. و ایری یولا اددیم قویان عالم، سهو اختارماقدان اؤترو سوروشان جاهل کیمیدیر».[2]
امیرالمؤمنین علی علیه السلام علم و ادب اؤرگشماغا بنله چاغیریر: «ای مؤمن، علم و ادب سنین قیمتین و دیریندی، اولناری اؤرگشماغا چالیش کی علم و ادبین چوخ اولدوقجا سنین قدرین و قیمتین چوخالار».[3]
هابئله الله پیغمبری (ص) علم و بیلماعین رتبه سی باره ده بویوریلار: «بیلماق، بوتون یاخچیلیقلارین باشیندا گلیر و جهالت بوتون بیسلیقلارین باشیندا گلیر».[4]
حضرت علی ده (ع) بو باره ده تأکید بویورولار: «البته علم، اورکلری یاشادان، کور گؤزلری ایشیقلا ندیران و گوجسوز بدنلری گؤجلندیرندی».[5]



- [1]. غرر الحکم: 6379 منتخب میزان الحکمة: 448
- [2]. نهج البلاغة: الحکمة 320 منتخب میزان الحکمة: 260
- [3]. مشکاة الأنوار: 135 منتخب میزان الحکمة: 14
- [4]. بحار الأنوار: 77 / 175 / 9 منتخب میزان الحکمة: 396
- [5]. أمالی الصدوق: 493 / 1 منتخب میزان الحکمة: 396

لینک مطلب در سایت : <http://torki.tebyan-tabriz.ir/?MID=21&Type=News&id=683>